

P E R C H E E T B L O I S.

his successerunt Regibus, amplissimis dotata redditibus. Altera D. Iacobo sacra. Duæ item Abbatia Blesensem hanc urbem commendant. Altera S. Lomerii anno salutis 927 à Rudolpho Burgundione Galliae Rege dotata atq; construta. Altera *Noſtre Dame de Bourgmoine* dicitur, de cuius prima fundatione nihil in publica scriptorum monumenta relatum invenitur. Sunt porro aliae complures in hac urbe ædes, rebus divinis dicatae, quas omnes enumerare longum nimis foret. In quibus magna Regum ac Principum sepulchra ex cupro, alabastro, & præstanti lapide polite facta, conspicuntur, potissimum vero in Ecclesia S. Salvatoris, in qua Ludovicus & Guido Comites Blesenses saxo sepulrali artificiose incisi continentur. Sunt & in urbe aqueductus varii, qui effossis magno spatio intimis terræ visceribus, struetisque opere lateritio forniciibus, magno quoque fastu visendos se præbent, idque ea altiudine & latitudine, ut tribus equitibus junctis facile transitum concedant. Plerisque etiam in locis excisis durissimorum montium rupibus, tantis impensis facti conspicuntur, ut fidem narratio excedere videatur. Tanti operis plane admiranda ratio Romanorum olim opes, viresque in eo elaborasse omnino evincit, etiam si historicorum Romanorum scripta ejus non meminerint. Nam & eodem silentio involvunt ædificia apud Nemausienses celebria, Amphitheatrum Burdigalense, magnifica Piætonum ædificia, aqueductus Parisienses. Huc accedit præfca ædificandi & clementi ratio, quæ in muris castris ac urbis observata, Romanam antiquitatem redolet, & rudera passim, quæ ex terræ visceribus quandoque eruuntur. Cives porro, & incolæ urbis suavi quadam & civili concordia, conspirantibus aëris ac agrorum bonitate, sociantur. Tanta enim eorum in familiari congressu est comitas, ea morum humanitas, sermonis facundia & in dicendo civilitas, in vietu atque amictu splendor ac munidies, ut hæc omnia animi decora nativam soli bonitatem comitari videantur. Lingua Gallica purissima, non in urbe solum, sed & ruri & in vicinis oppidis. Plateæ hujus urbis angustæ, & inordinatae, nitidae tamen & mundæ. Ædes saepe cœruleo lapide tectæ. Arce regia splendida superbit. Antiquam condidisse scribitur Gedon cognatus Rollonis Roberti, primi Normannia Ducis. Sed hodiernæ conditores fuere Ludovi-

cus XII & Franciscus I, quorum symbola hinc inde, illius erinaceus, istius salamandra conspiciuntur. Arci proximus est hortus regius amoenissimus in duas partes divisus, superiorem & inferiorem. Xylosum 300 passuum longitudine in eo videbis ab Henrico Magno exstructum, cui subest cryptoporticu ex altera parte hortum inferiorem spectante, aperta patensque. Templum S. Salvatoris juxta arcem videoas, ubi Comitum Blesensem, Ludovici & Guidonis, aliorumque Principum magnifica cernuntur sepulcra.

Inter primos Blosii Comites invenio Theobaldum, cognomine seniorem, Gedonis F. Rollonis Roberti, primi Normannia Ducis agnatum. Filiū hic habuit Othonem, qui auctus tum patris, tum sua virtute Principatibus, Comes fuit Campaniæ, Blosii, Briæ, Turonum, & Carnutum. Liberos procreavit Theobaldum II, & Stephanum, qui fratri sine prole mortuo succedit. Ex hoc Adela, Guiljelmi Conquætoris Angliae Regis filia geniti, cum aliis, Theobaldus III & Stephanus: quorum prioris filius patri cognominis, cum improlis vita defungeretur, amplissimas hæreditates reliquit sui patrui Stephani, qui Angliæ regnum adeptus fuerat, posteris. Inter quos legitur Ludovicus, Henrici II Comitis Campaniæ, Briæque filius, Henrici Largi N. Stephani Regis pronepos, Comes fuisse Blesensis: donatus insuper ob egregia ad Constantinopolim facinora, Romaniae ducatu. Sine prole mortuo succedit, post Theobaldum etiam improlem, Margareta soror: uxor primo Ottonis Burgundiæ Comitis, secundo Gualteri Avennatis dynastæ: quo nata Maria Avenna Domina, Comes Carnutum & Blosii, quæ nupsit Hugoni Castilionæ, Comiti Fani S. Pauli.

Anno MDLXXXVIII, die 22 Novembris interemitus est Blesijs jussu Regis Henrici III Henricus Lotharingus, Dux Guiſæ, & postriedie ejus frater Cardinalis.

Comitatus Dunensis, *La Comté Dunois* principem habet urbem, *Castrodonum*, *Château-dun*. Comitatus Tonnoiriensis, vulgo *le Comté de Tonnoire* dicitur.

Ducatus Vindocinensis, *Duché de Vendôme*, Belfia, Andegavensi tractu, Perchia & Turenia concluditur. Primaria civitas est *Vindocinum*, patria Petri Ronsardi. Olim Comitatus fuit.

*Mores ci-
vium.*